

Guangjisi Minzcu Bau

ganhhau: CN45-0036 B.2017 Nd.5 Ng.10 liggaeuq dingyoux nienz ndwenseiq cibhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3273期

Dwzbauj Yen Banh 2017 Nienz Cuengh Gun Song Vah Saw Sonhag Yenzdauj Hozdung

德保县举办 2017 年壮汉双语教学研讨活动

4 nyied 23 hauh, Dwzbauj Yen “2017 nienz Cuengh Gun song vah saw sonhag yenzdauj hozdung” youq Duh’anh Yangh Cungsims Siujyoz banh, baez hozdung neix youz Yen Gyauzyuzgiz cawjbanh, Yen Saw-cuengh Hagdangz bangbanh. Camgya baez hozdung neix miz gyoengq lauxsae 7 aen Cuengh Gun song vah saw hagdangz caeuq 2 aen hagdangz yaek guhbaenz Cuengh Gun song vah saw hagdangz aen yienh neix, lij miz gyoengq lauxsae daj Cingsih、Bingzgoj、Nazboh daengj yienh si daeuj haenx, gungh 136 boux.

Hozdung yungh gij hingzsih yienhciegz yawjhag nem yenzdauj

guh. Ngoenzhaenx, gyoengqvunz camgya hozdung haenx yawjngonz le diuq fouxsaux、ringx gengxdiet、bau aendomq caeuq Heiqucuengh Namzloh daengj minzcuz vwnzva swncienz hanghmoeg gig miz daegsaek dei-fueng naekna haenx, lij yawjhag le Duh’anh Yangh Cungsims Youwzyenz Dangz Munglanz lauxsae hwnjdangz son hagseng “at aet et” geij cih yinhmeh neix caeuq Duh’anh Yangh Cungsims Siujyoz Danz Funbingz lauxsae hwnjdangz ngeih nienzgaep 《Gou Senj Gou》, goqdangz sonhag dajveh giujmiuq moqsag, sonhag fuengfap sengdoengh lingzvued, gikfat gij hagsib yinxdaeuz naekna hagseng,

aeundaej le gij sonhag yaugoj ndei.

Yenzdauj doxgyau vanzceez, gak hagdangz lauxsae daiqbiuj guh doxgyau, gangj gij siengfap bonjfaenh, gangj daengz gij vwndiz saedsaeh sonhag bungzdaengz haenx, caezgya doengzcaeuz doxyaeng, doengzcaeuz ra gij roen sonhag caeuq fuengfap mizyauq. Doenggyauq yawjhag、yenzdauj, dap aen bingzdaiz doxgyau ndei ndeu hawj gyoengq lauxsae, gyaak Cuengh Gun song vah saw hagdangz doxgyau, doiq saedyienh swhyenz ndei caeziengj miz leih, coicaenh lauxsae doengzcaeuz hwnghat.

(Nungz Yimeiz/农玉梅 Nungz Denhsiengz/农天祥)

Yungzsuij: Minzcuz Yisuz Haeuj Hagdangz



融水:

民族艺术
进校园

5 nyied 5 hauh, youq Yungzsuij Myauzcuz Sw-ciyen Daihsam Siujyoz, Veiz Yaujcunh lauxsae cingq son hagseng raed ceij. Gaenh bi neix daeuj, Yungzsuij Myauzcuz Sw-ciyen haiguh minzcuz yisuz haeuj hagdangz hozdung, aeu raed ceij、boq aenvenz、foux aenvenz caijdangz daengj minzcuz yisuz yinxhaeuj goqdangz, hawj hagseng roxyiuj minzcuz vwnzva, swncienz minzcuz yisuz, aeundaej yaugoj ndei. Ndaw doz dwg lauxsae cingq son hagseng raed ceij.

(Liu Swjyenh/廖子渊)

Beixnuengx Myauzcuz Nanzdanh Doxcomz Gvaq Ciet Ndei

南丹苗胞共聚一堂欢度佳节

5 nyied 1 hauh, 2000 lai boux beixnuengx Myauzcuz Nanzdanh Yen ndang daenj buhvaq moqsag youq Vwnzva Gvangicangz aen yienh neix doxcomz gvaq ciet ndei, angqcoux “ndwenseiq cobet” ciet conzdungj minzcuz, doengzcaeuz angq gvaq ciet guhhong “haj it”.

Hozdung ngoenzhaenx, banh le caeqbaiq yinghyunz Myauzcuz、caeq coj yizsi; Nanzdanh Myauzcuz Doih-

fouxgyong’va biujyienj le 《Gyong Raemjfaex》《Gyong Fungsou》《Gyong Angqhoh》《Myauzcuz Gyaendei》daengj diuqfoux ndei; hozdung lij miz siujcuq ciengq、gagciengq、saimbwk doiq ciengq daengj biujyienj lai cungj lai yiengh dem, ndaej daengz gyoengq beixnuengx Myauzcuz yienhciegz bekfwngz haenhndei.

Ciuq cam rox, baez hozdung neix dwg aen hozdung ndawbiengz youz

Nanzdanh Myauzcuz Yozvei cujciz, vih beixnuengx Myauzcuz daezhawj aen bingzdaiz doxgyau、dox baedauq、doxyungz ndei he, gyalae le gaeu-doeng, gyaak le gij yisiz beixnuengx Myauzcuz minzcuz doxgiet、gyaez dangj gyaez guek gyaez ranz, daezsang minzcuz gagsaenq, gikfat gij yiedcingz doengzcaeuz hwnjguh guekgya caeuq mbanjranz gyoengqde.

(Yangz Caijyenz/杨彩元)

SIUSIK DINJ

简讯

● 5 nyied 5 hauh, Yungzanh Yen Gungh’ anhgiz gihduz minzgingj ginggvaq cou-maed cinhcaz, fatyienh Banjlanj Cin Sanhvej Cunh Mbanjsiz-douzdanz miz bouxguhnaz ndaem goiennaenz, gihduz minzgingj caeuq dangdieg baicuzsoj minzgingj gig vaiq okdoengh, youq yienhciegz cazok muedsou goiennaenz 35 go, mak goiennaenz 117 aen.

(Danz Gaijhingh)

● 5 nyied 6 hauh, Mungz-sanh Yenvej lienzhab Sinhhil Cin, yungh ciet bouxcoz “haj seiq” guh seizheiq, youq Mauiy Cinh banh aen yizi venjbaiz camh fugsah gagnyienh bangfuz hauxseng nem “hauxseng fug-saeh·cangqheiq bangfuz” yawj-bingh hozdung mbouj aeu cienz, muengh doenggyauq camh fugsah bingzdaiz, comz bouxcoz engq lai gyahaeuj daengz gyang doih vut gungz gunggeng, gibseiz、cinjing gaijgez saedsaeh hojnanz ranzungzhohj, dazyinx gyoengqde gaenx guh baenz miz.

(Gvanh Sinh)

● 4 nyied 29 hauh daengz 5 nyied 1 hauh, Denzlinz Yen Licouh Yauzcuz Yangh banh gaiq daeuz lijyouz bangfuz minzsuz vwnzva hozdung, baez hozdung neix yinx ndaej baenz fanh bouxhek daeuj youzcet byadah、yawjngonz gofoux minzcuz、yawjngonz ndangdaenj minzcuz、cimz gijgwn ndei、daejniemh youq ndaw suen mbaetsou daengj lajmbanj lijyouz ngaizhoengh.

(Vangz Biyen)

● Gaenh bi neix daeuj, Lingzyinz Yen Ya’gyaz Cin Gyasih Cunh dangcihbhu gaenx-maenx sonyinx vunzlai gungzhohj laebdin giindei swhyenz, haenq-rengz hwnghat ndaem gonengz-nuengx ciengx nonsei, bi’gvaq daengx mbanj reh canjciz mauhgyauq 500 fanh maenz, bang ranzungzhohj gyalai souhaeuj vut gungz. Binaengz 3 daengz 4 nyied mak gonengznuengx baenz le, yinx ndaej bouxhek caeuq bouxyaenz ingj siengq ndaw yienh rog yienh daeuj daengz dieg yawjngonz gingjsaek lijyouz、mbaet mak caeuq ingj siengq, bang hwnghat lijyouz canjnieb Lingzyinz Yen.

(Vangz Yenzyungz Youz Bwnjyauh)